



Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Construction of Canton Sarajevo

Broj: 06-45-2187/26  
Sarajevo, 19.03.2026. godine

Na osnovu člana 70. Zakona o organizaciji organa uprave u FBiH („Sl.novine FBiH“ br. 35/05), i člana 70. stav (1) i stav (3) Zakona o javnim nabavkama („Sl.glasnik BiH“ br.39/14, 59/22 i 50/24), nakon provedenog postupka javne nabavke za nabavku radova putem Konkurentskog zahtjeva za dostavu ponuda – **Rekonstrukcija toaleta Zavoda na adresi Kaptol br.3**, a na osnovu Preporuke komisije za javne nabavke broj: 06-45-2111/26 od 16.03.2026.godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i** :

**O D L U K U**  
o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke radova „**Rekonstrukcija toaleta Zavoda na adresi Kaptol br.3**“ dodjeljuje se ponuđaču **DESCON d.o.o. Sarajevo** za ponuđenu cijenu u iznosu od **24.997,00 KM bez PDV-a**, popust 0,00 KM, odnosno u **ukupnom iznosu od 24.997,00 KM**, s obzirom da je podnio prihvatljivu ponudu sa najnižom cijenom.
2. Izabrani ponuđač iz tačke 1. dispozitiva ove Odluke dužan je u roku od **3 (tri) dana** od dana zaprimanja ove Odluke dostaviti ugovornom organu **original ili ovjerenu kopiju** dokumentacije iz tačke 12.1.tenderske dokumentacije, u svrhu dokazivanja činjenica potvrđenih u Izjavi (Aneks IV tenderske dokumentacije)
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45-2110/26 od 16.03.2026. godine u skladu sa članom 71. stav (2) Zakona o javnim nabavkama.

**O b r a z l o ž e n j e**

Na osnovu Odluke o pokretanju postupka javne nabavke broj: 06-45-1663/26 od 27. 02. 2026. godine Zavod za izgradnju Kantona Sarajevo je pokrenuo postupak javne nabavke sa najmjerom provođenja e-aukcije, pripremio tendersku dokumentaciju, objavio Obavještenje o nabavci broj: 285-7-3-12-3-6/26 i tendersku dokumentaciju za konkurentski postupak javne nabavke: **Rekonstrukcija toaleta Zavoda na adresi Kaptol br.3**, na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br.39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Javna nabavka „**Rekonstrukcija toaleta Zavoda na adresi Kaptol br.3**“ oglašena je u „Službenom glasniku BiH“ broj: 20/26 od 13.03. 2026. godine.

Procijenjena vrijednost javne nabavke iznosi: 25.000,00 KM bez PDV-a.

Krajnji rok za prijem ponuda bio je 10.03.2026. godine do 12:30 sati.

Komisija za predmetnu javnu nabavku se sastala dana 10.03. 2026. godine u 13:00 sati, radi preuzimanja i otvaranja ponuda u postupku javne nabavke: **Rekonstrukcija toaleta Zavoda na adresi Kaptol br.3**, koju je podnio sljedeći ponuđač: DESCON d.o.o. Sarajevo



Na otvaranju ponuda nije bilo prisutnih predstavnika ponuđača, što je konstatovano u Zapisniku o otvaranju ponuda.

Predsjednik Komisije za javnu nabavku je otvorio ponudu ponuđača i iz „Obrasca za cijenu ponude“ i „Obrasca za ponudu“ pročitao ponuđenu cijenu ponude, dok su rokovi izvođenja radova, uslovi i način plaćanja bili zadati tenderskom dokumentacijom.

Komisija je istog dana 10.03.2026. godine na zatvorenom sastanku utvrdila da je zaprimljena ponuda računski tačna.

Prilikom pregleda i ocjene ponude ponuđača Descon d.o.o. Sarajevo, Komisija za javnu nabavku je utvrdila da je navedeni ponuđač u Obrascu za ponudu (Aneks I) u koloni: **Da li je ponuđač u sistemu PDV-a** upisao **NE**, a u Obrascu za ponudu (Aneks I), u Obrascu za cijenu ponude (Aneks II) i Predmjeru radova (Aneks III) je na ponuđenu ukupnu cijenu ponude bez PDV-a iskazao iznos PDV-a i Ukupnu cijenu sa PDV-om, zbog čega je ugovorni organ, odnosno Komisija za predmetnu javnu nabavku putem e-maila dana 11.03.2026.godine uputila zahtjev navedenom ponuđaču kojim je traženo da, s obzirom da je u ponudi naveo da **nije** u sistemu PDV-a, da se precizno izjasni da li se na ponuđenu ukupnu cijenu bez PDV-a obračunava PDV ili ne. Ponuđač Descon d.o.o. Sarajevo je u ostavljenom roku na e-mail ugovornom organu dana 12.03.2026.godine dostavio potpisanu i ovjerenu Izjavu broj 08-02-03/26 od 12.03.2026.godine kojom potvrđuje da firma Descon d.o.o. Sarajevo nije u sistemu PDV-a i da je u slučaju zaključenja ugovora važeća ponuđena cijena bez PDV-a. Izjava je protokolisana na protokolu Zavoda za izgradnju Kantona Sarajevo pod brojem 45-2009/26 od 12.03.2026.godine

Komisija je također izvršila pregled dostavljene ponude da bi utvrdila da li je ponuđač dostavio ponudu u skladu sa zahtjevima iz tenderske dokumentacije i da li je ispunio uslove iz člana 45. do 51. Zakona o javnim nabavkama („Službeni glasnik BiH“ br. 39/14, 59/22 i 50/24), kao i uslov iz člana 52.stav (10) Zakona o javnim nabavkama

Ponuđač **DESCON d.o.o. Sarajevo** je dostavio ponudu u skladu sa svim zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14, 59/22 i 50/24), kako je i zahtijevano tenderskom dokumentacijom, te je ponuda ponuđača Descon d.o.o. Sarajevo, **prihvatljiva**.

Komisija je konstatovala da je ponudu prema redoslijedu zaprimljenih ponuda (cijena bez PDV-a) dostavio sljedeći ponuđač:

1. Descon d.o.o. Sarajevo.....24.997,00 KM

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.80/23) provede e-aukcija. Obzirom da je samo jedna **prihvatljiva** ponuda Ugovorni organ nije zakazao, niti proveo e- aukciju, a u skladu sa Pravilnikom o uslovima i načinu korištenja e-aukcije („Službeni glasnik BiH, br. 80/23) član 4. stav (2) koji glasi „U slučaju prijema jedne prihvatljive ponude e-aukcija se ne zakazuje“

Nakon izvršene ocjene ponuda Komisija daje preporuku Ugovornom organu:

Da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14, 59/22 i 50/24) ugovor u postupku javne nabavke **„Rekonstrukcija toaleta Zavoda na adresi Kaptol br.3“**, dodijeli ponuđaču **Descon d.o.o. Sarajevo** za ponuđenu cijenu u iznosu od **24.997,00 KM bez PDV-a**, popust 0,00 KM, odnosno **u ukupnom iznosu od 24.997,00 KM**, obzirom da je u predmetnom postupku ponudio najnižu cijenu prihvatljive ponude.

Komisija je sačinila Zapisnik o ocjeni ponuda broj: 06-45-2110/26 od 16.03.2026. godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.



Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Construction of Canton Sarajevo

Izabrani ponuđač iz tačke 1. dispozitiva ove Odluke, u roku **od 3 (tri) dana** od dana zaprimanja ove Odluke, dostavit će ugovornom organu **original ili ovjerenu kopiju** dokumentacije iz tačke 12.1.tenderske dokumentacije, u svrhu dokazivanja činjenica potvrđenih u Izjavi (Aneks IV tenderske dokumentacije)

Shodno navedenom odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu, u roku za izjavljivanje žalbe.

Pripremila: Alma Marić, dipl. pravnik

Kontrolisala: Vildana Zeba Viteškić, dipl.pravnik

Direktor:  
Belma Barlov, dipl.ing.arh.

**DOSTAVITI:**

1.Descon d.o.o. Sarajevo putem e-maila:descon.ilidza@gmail.com;



